

VARGJE MBILOT ÇAMËRIE

Më falë edhe ti mike për një varg Çamërie
Seç u zura sonte me zotat
Për secilën fjalë që e shkruaj
Me shpirtin çam.

Sonte u grinda edhe me Ty, Evropë
Kur ta thash fjalën liri
Nga zemra e pëlcitur ta thash
Edhe vargjeve ta shkrova.

Sonte, o njeri, jemi të krisur,
Ti, apo unë në dheun tim?

Eh, Evropë mallkim e ferr burgu
Njëqind vjet ëndërr mbeta
Histori e pashkruar e atdheut tim
Herë të lirë e herë të ndarë e të sharë.

Sonte u nisa me vargje loti
Bashkë me miken time diku
Cunameve të detit Jon
Të rebeluar vargut e shpirtit të saj.

Në njëqind vjetorin e Pavarësisë se Shqipërisë
Në njëqind poezi loti e zemre Çamërie
O Zot të falëm për fjalët e mikes shqip.

Sonte edhe hëna u nis me fjalën e shpirtin tonë,
Vargun na e kthej në lutje e uratë.
Më thuaj edhe ti miku im,

Një varg pa lot a me lot ma shkruaj.

Ta dërgoj tek dielli për pak rreze lirie
Sonte u shndërrova në ylber shumëngjyrësh
U bëra udhë e kombit tim
Mbi mua të fluturojnë shqipet.

Si puhi pranverave shqiptare
Sonte edhe pak ujë Drini e mora më veti
Ta shuaj etjen,ëndrrat
Sonte edhe flutur u bëra.

Edhe aromë lule,
Çfarë nuk u bëra
Edhe djall vetë do bëhem,
Për ty Çamëria ime.

Për lotin e lirisë tënde shqip
Ta them me varg zemre,
Më fjalë dashurie për miken
E vargut tim.